

## ■ Wos mr allis su lerne muss

Iech war ganz ieberrascht, wos doletzt dr Schmidt, Gint im Blättl uns for e Fortbildung agebutn hot. Dos war ganz nooch men Geschmack. Eigntlich wiaan mir: is werd itze ze oft „denglisch“ geredt. Do werd aafach nimmer dos deitsche Wort, for wos aah immer, benutzt. Naa, is werd aabn e englischis Wort genumme. Un de Leit iebernaamme dos, aah wenn se oft gar net wissn, wos dos genau bedett. Un bei uns Arzbegirgern is dos zegar noch enn Zackn schärfer. Mir willn die „denglischn“ Werter ieberhaupt net esu schreibn, wie siech dos gehärt. Wenn mir die schu benutzn, dann schreibn mir die aah su, wie mir dos redn! Un genau dos hot doletzt dr Gint gemacht. Dar hot se ins arzgebirgische iebertrogn un dann aber aah noch beschriebn, wos genau dos bedett. Herrlich.

Eigntlich gibts for allis aah e bekanntis Wort aus unrer Muttersproch,

aber is muss aabn e fremmis Wort har. Do is mir doch eigefalln, dossis schu allemeitog „Homoffis“ gaabn hot, aah uhne Corona. Iech hob, wu meine Kinner noch klaa warn, aah Homoffis gemacht. Dozemol hot dos Heimarbeit gehaaßn. Ich hob hinnern Staabecher Arbitshandschuh geneht. Do ham mir dos deitsche Wort noch gekannt! Mol saah, öb mir uns wieder mol e bissl meh an sette Werter erinnern.

S gibt aber aah su viel neie Werter, wu mr erscht emol noochdenkn muss, wos for e Wort mr dodrzu naamme kennt. Su schickn itze alle Leit mit ihre Wischkästle e Ep (App). Also, iech kenn zwar meh als enn Eberhard, aber mit su ner neimodischn Ep ham die alle nischt ze tu. Mol saah, wos mir noch allis lerne kenne.

*Renate Georgi*

## ■ Mir vorstenne de Walt ball nimmer!

### - Fortbildung im Erzgebirgischen Heimatverein Eibenstock -

Andauernd wern mir mit neie daamische englingsche Vukablñ belästicht, des nimmt dermosn ieberhand, des mor zen Schluss gar nischt meh vorstieht. Desserwagn gibt's heit ausn Eimstocker - Erzgebirgs - Lexikon -

Dudn in klenn Lehrgang. Zwar net ieber su ne Vidjo-Konforenz, wies de Grußn vürmachn, mir namme abn dodorzu unner Blattl in 3 Stundnoschnittle. War alle drei Stundn durchhält un siech allis gut merkt, kaa sugar noch

sei arzgebirgsches Hilfs-Abi schaffen! Also lus giehts, frisch gelernt is halb gewunne, oder wie des haaßt.

Hier is eier Lehrer von dar neimodschn Hoomskuuling.

### Zen Vorständnis: erscht de englische, dann de arzgebirgdeitsche Schreibweis un noocherts de Bedeitung: Hoomskuuling for unnere Senjorinne un Senjorn – 2. Stund

Social Media	Soschlmedija	des is abn des, do kaa aafach jeder sei Maaning zu alle rmeechlichn Theme im Inernet dorzu gabn
Taskforce	Taaskfoors	des is ne Arbtsgrupp, die Probleme lösn söll oder aa net, wie itze z.B. unnere Ministers bei dare Corona-Pandemie
App	Epp	des is net irgnd e Eb, vu eierer friehern Schulklass, naa, des sei klaane Programme, die mor gebrauchn kaa, wenn mor drauf klickt, giehts lus - oder aa net
Blogger	Blocker	des sei welche, die neins Inernet su wos wie e Tagbuch schreibn, aafach allis aufnotiern, ganz egal öb des irgnd jemand intressiert oder net
www	Wehwehweh	des is e Netz mit Datn, wos rund im de ganze Ard gieht, also net zen Eikaafn wie frieher is Perlonnetz!! War eweng aagabn will, dar kaa des aa mol of englisch - deitsch sogn: Wörlð Weit Webb
Tablet	Täblett	des is net etwa e Hietrochbrattl un aa kaane Tablett zum Einamme, des is e klaaner Kompjuter, aber dar hat kaane Maus un Tastatur zen Schreibn, när in ----- Tatschkrien
Touchscreen	Tatschkrien	des is dor Bildschirm vun Täblett, do musste drauf datschn, när esu kaa mor wos bewegn un schreibn
Laptop	Läptopp	des is e gressers Täblett, aber mit ner Tastatur, do kaa mor wenstns gelei lusschreibn
Hashtag	Häschtäg	des is su e Kreuz # als Markierung, do ka mor drauf klickn, im ne Nachricht in Soschlweb ze dorgattern, mor kaas aber aa sei lessn